



Broj/Број: 01/7, 02/3-50-1-188-2-15/05
Sarajevo/Сарајево: 15.12.2005.

Prihvaćeno: 11.12.2005			
Org. jed.	Broj	Prilog	Vrijednost

ZAPISNIK

sa 15-e zajedničke sjednice Komisije za finansijske i administrativne poslove Doma naroda i
Administrativne komisije Predstavničkog doma Parlamentarne skupštine Bosne i Hercegovine,
održane u Sarajevu dana 15.12.2005.godine, s početkom u 10,15 sati

PRISUTNI ČLANOVI KOMISIJE ZA FINANSIJSKE I ADMINISTRATIVNE POSLOVE
DOMA NARODA: Ruža Stojanović, Goran Milojević, Mustafa Pamuk i Branko Zrno i Velimir
Jukić.

ODSUTNI ČLANOVI KOMISIJE ZA FINANSIJSKE I ADMINISTRATIVNE POSLOVE
DOMA NARODA: Osman Brka.

PRISUTNI ČLANOVI ADMINISTRATIVNE KOMISIJE PREDSTAVNIČKOG DOMA: Mubera
Ušanović, Vinko Zorić, Hazim Felić, Momčilo Novaković, Dušanka Majkić i Ruža Sopta koje su
došle na sjednicu u toku tačke Ad-3 dnevnog reda.

ODSUTNI ČLANOVI ADMINISTRATIVNE KOMISIJE PREDSTAVNIČKOG DOMA: Jozo
Križanović, Mladen Potočnik i Senija Kapetanović,.

OSTALI PRISUTNI: Sekretar Zajedničke službe Sekretarijata Parlamentarne skupštine Bosne i
Hercegovine Aljoša Čampara i šef Računovodstva Parlamentarne skupštine Bosne i Hercegovine
Jadranka Korać.

Za sjednicu je predložen

DNEVNI RED

1. Usvajanje Zapisnika 13-e zajedničke sjednice i verifikacija Zabilješke sa 14-e zajedničke sjednice;
2. Izvještaj o izvršenju Budžeta za period januar-septembar 2005. godine;
3. Obavještenje o prestrukturiranju rashoda;
4. Razmatranje Zabilješke od 7.11.2005. godine (pitanja za budžetsku analizu-Kontrolna lista) i prijedloga izmjene Projekcije budžeta za 2006. godinu;
5. Elaborat programa posebne namjene-Evropske integracije i drugi oblici međunarodne saradnje Parlamentarne skupštine Bosne i Hercegovine (Interparlamentarna grupa BiH);
6. Razmatranje Izvještaja o donaciji Kraljevine Norveške;

7. Preispitivanje Odluke o izmjenama i dopunama Pravilnika o načinu i uslovima korištenja internih i eksternih usluga-reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine, usvojene na 13-oj zajedničkoj sjednici;
8. Razmatranje Prijedloga odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13.4.2005. godine;
9. Razmatranje Prijedloga odluke o izmjenama i dopunama Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05 od 13.4.2005. godine;
10. Informacija o Odluci o osiguranju zaposlenih donesenoj na 5-oj zajedničkoj sjednici Administrativne komisije Predstavničkog doma i Komisije za finansijske i administrativne poslove Doma naroda Parlamentarne skupštine Bosne i Hercegovine, održanoj 13.11.2003. godine;
11. Informacija o realizaciji odluke Komisija o isplati naknade privremenim sekretarima i razmatranje žalbe privremenog sekretara Milana Zjajića;
12. Razmatranje Prijedloga pravilnika o međunarodnim aktivnostima Parlamentarne skupštine Bosne i Hercegovine;
13. Tekuća pitanja.

Petnaestu zajedničku sjednicu Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine otvorila je Ruža Stojanović, predsjedavajuća Komisije za finansijske i administrativne poslove Doma naroda Parlamentarne skupštine Bosne i Hercegovine. Pošto je konstatirala da postoji kvorum, predložila je dnevni red petnaeste zajedničke sjednice i pozvala prisutne da daju svoje primjedbe i sugestije.

Pošto nije bilo primjedbi usvojen je dnevni red, te se pristupilo njegovom razmatranju po pojedinim tačkama.

AD-1 Zapisnik 13-e zajedničke sjednice i Zabilješke sa 14-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine jednoglasno su usvojeni.

AD-2 Uvodno izlaganje o ovoj tački dnevnog reda dala je Ruža Stojanović, predsjedavajuća zajedničkom sjednicom Komisija.

Rasprave o ovoj tački dnevnog reda nije bilo. Prisutni su jednoglasno donijeli

ZAKLJUČAK

Prima se k znanju Izvještaj o izvršenju budžeta za period januar-septembar 2005. godine.

AD-3 Uvodno izlaganje o ovoj tački dnevnog reda dala je Ruža Stojanović. Rasprave o ovoj tački dnevnog reda nije bilo. Prisutni su primili k znanju obavještenje o restrukturiranju rashoda.

AD-4. Uvodno izlaganje o ovoj tački dnevnog reda dao je Aljoša Čampara. U raspravi o ovoj tački dnevnog reda učestvovali su: Velimir Jukić, Ruža Stojanović, Dušanka Majkić, Vinko Zorić, Momčilo Novaković, Mustafa Pamuk, Goran Milojević i Ruža Sopta.

Prisutni su jednoglasno donijeli

ZAKLJUČAK

I

Daje se saglasnost na Prijedlog izmjene Projekcije budžeta za 2006. godinu, broj: 03-16-1-1076/05 od 29.11.2005. godine u skladu sa izmjenom dinamičkog plana zapošljavanja.

AD-5 Obrazloženje ove tačke dnevnog reda dala je sekretar Administrativne komisije Predstavničkog doma Parlamentarne skupštine Bosne i Hercegovine Davorka Čaplinski.

U raspravi o ovoj tački dnevnog reda učestvovali su: Dušanka Majkić, Hazim Felić i Mustafa Pamuk.

Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine konstatirale su da Računovodstvo sa stručnim službama Parlamentarne skupštine Bosne i Hercegovine nije izvršilo obavezu po tački II Odluke, broj: 01/7, 02/3-50-1-188-4-12/05 od 29.9.2005. godine.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine upozoravaju Računovodstvo i stručne službe Parlamentarne skupštine Bosne i Hercegovine da su obavezne poštovati odluke Komisija.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine konstatirale su da materijal Elaborat programa posebne namjene-Evropske integracije i drugi oblici međunarodne saradnje Parlamentarne skupštine Bosne i Hercegovine koji je dostavila Interparlamentarna grupa Bosne i Hercegovine sadržinom ne udovoljava obavezama iz tačke II navedene odluke, pa se kao takav ne može ni razmatrati u okviru usvojenog dnevnog reda..

AD-6 Uvodno izlaganje o ovoj tački dnevnog reda dala je Ruža Stojanović. U raspravi o ovoj tački dnevnog reda učestvovali su: Jadranka Korać, Ruža Stojanović, Mustafa Pamuk i Velimir Jukić.

Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine konstatirale su da se Izvještaj o donaciji Kraljevine Norveške, broj: 03-50.3-112/05 od 25.10.2005. godine, ne može smatrati izvršenjem Zaključka, broj: 01/7,02/3-50-1-188-2g-11/05 od 14.9.2005. godine.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine očekuju od Kolegija

Sekretarijata Parlamentarne skupštine Bosne i Hercegovine kompletniji izvještaj u skladu sa navedenim Zaključkom.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine smatraju da traženi izvještaj iz stava 1. i 2. ovog zaključka teba biti sačinjen u saradnji sa kolegijem Komisija.

AD-7 Uvodno izlaganje o ovoj tački dnevnog reda dala je Ruža Stojanović. U raspravi o ovoj tački dnevnog reda učestvovali su: Branko Zrno, Vinko Zorić, Momčilo Novaković, Ruža Sopta, Mustafa Pamuk, Velimir Jukić, Goran Milojević, Mubera Ušanović, Ruža Stojanović i Jadranka Korać.

Prisutni su većinom glasova donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine konstatirale su da ne postoji potreba za preispitivanjem Odluke, broj: 01/7, 02/3-50-1-188-4-13/05 od 24.10.2005. godine.

Na traženje šefa Računovodstva Parlamentarne skupštine Bosne i Hercegovine, nakon što je obrazložila svoj zahtjev pozvavši se na instrukciju Trezora BiH, prisutni su jednoglasno donijeli

ZAKLJUČAK

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine konstatirale su da će se računi za mobilne telefone koje ispostavi nadležni operater mobilne telefonije ubuduće plaćati putem jedinstvenog računa Trezora BiH, a ne putem blagajne.

AD-8 Obrazloženje uz ovu tačku dnevnog reda dala je Ruža Stojanović. U raspravi o ovoj tački dnevnog reda učestvovali su: Goran Milojević, Hazim Felić, Branko Zrno, Ruža Sopta, Mubera Ušanović, Jadranka Korać, Davorka Čaplinski, Mustafa Pamuk i Velimir Jukić.

S obzirom da se tačka Ad-9 dnevnog reda odnosi na istu problematiku prisutni su jednoglasno u vezi s tačkom Ad-8 i Ad-9 donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine traže da Zajednička služba Sekretarijata Parlamentarne skupštine Bosne i Hercegovine, za 16-u zajedničku sjednicu koja će se održati 20.12.2005. godine, dostavi:

14. -Prijedlog odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13.4.2005. godine; i
15. Prijedloga odluke o izmjenama i dopunama Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05 od 13.4.2005. godine.

AD-10. Uvodno izlaganje o ovoj tački dnevnog reda dala je Ruža Stojanović U raspravi o ovoj tački dnevnog reda učestvovali su: Jadranka Korać, Branko Zrno, Ruža Sopta, Mustafa Pamuk, Momčilo Novaković i Davorka Čaplinski.

Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine obavezuju Opću službu Sekretarijata Parlamentarne skupštine Bosne i Hercegovine da za 16-u zajedničku sjednicu koja će se održati 20.12.2005. godine, pripremi stručno mišljenje u vezi s obaveznim osiguranjem radnika, u kojem će precizirati da li postoji zakonska obaveza osiguranja zaposlenih za slučaj nesreće na radu, odnosno povrede ili ne.

AD-11 Uvodno izlaganje o ovoj tački dnevnog reda dala je Ruža Stojanović. O ovoj tački dnevnog reda diskutovao je Momčilo Novaković. Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine su upoznate sa reakcijom sekretara Ustavno-pravne komisije Predstavničkog doma Parlamentarne skupštine Bosne i Hercegovine koju smatraju opravdanom.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine upozoravaju sekretara Zajedničke službe da se zahtjevi upućeni Komisijama moraju stručno obraditi i obavezno popratiti stručnim mišljenjem nadležne službe Sekretarijata Parlamentarne skupštine Bosne i Hercegovine kako bi se Komisije mogle o njima očitovati.

AD-12 Uvodno izlaganje o ovoj tački dnevnog reda dala je Ruža Stojanović U raspravi o ovoj tački dnevnog reda učestvovali su: Hazim Felić, Momčilo Novaković, Vinko Zorić, Velimir Jukić, Ruža Stojanović, Goran Milojević i Mustafa Pamuk.

Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine zaključile su da upute Kolegiju domova Prijedlog pravilnika o međunarodnim aktivnostima Parlamentarne skupštine Bosne i Hercegovine na mišljenje. Mišljenje je potrebno dostaviti u roku od 30 dana.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine zaključile su da ostave rok od 30 dana u kojem će članovi Komisija moći amandmanski djelovati na Prijedlog pravilnika o međunarodnim aktivnostima Parlamentarne skupštine Bosne i Hercegovine.

AD-13 a) Razmatranje Zahtjeva Ljiljane Milićević za prestanak stalnog radnog profesionalnog odnosa

S obzirom da se radi o zahtjevu poslanika Predstavničkog doma prisutni članovi Administrativne komisije Predstavničkog doma Parlamentarne skupštine Bosne i Hercegovine jednoglasno su donijeli

ODLUKU

I

Ljiljani Milićević, poslaniku u Predstavničkom domu Parlamentarne skupštine Bosne i Hercegovine, prestaje stalni profesionalni radni odnos u Parlamentarnoj skupštini Bosne i Hercegovine s danom 15.12.2005. godine, zbog zasnivanja radnog odnosa u drugoj organizaciji.

II

Odluka stupa na snagu danom donošenja.

i

RJEŠENJE

Ljiljani Milićević, poslaniku u Predstavničkom domu Parlamentarne skupštine Bosne i Hercegovine, prestaje stalni profesionalni radni odnos u Parlamentarnoj skupštini Bosne i Hercegovine s danom 15.12.2005. godine.

b) Razmatranje Dopisa Ad hoc komisije za izbor i imenovanje, broj: 01/7-50-3-1123/05 od 12.12.2005

Obrazloženje za ovu tačku dnevnog reda dao je Vinko Zorić. U raspravi o ovoj tački dnevnog reda učestvovali su: Davorka Čaplinski, Momčilo Novaković, Mustafa Pamuk i Ruža Sopta. Prisutni su jednoglasno donijeli

ZAKLJUČAK

I

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine su odlučile da isplate naknadu za rad u Ad hoc komisiji za izbor i imenovanje članovima Administrativne komisije.

Visina naknade iz stava 1. ovog zaključka utvrdit će se Odlukom o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05 od 13.4.2005. godine.

Administrativna komisija Predstavničkog doma i Komisija za finansijske i administrativne poslove Doma naroda Parlamentarne skupštine Bosne i Hercegovine sugeriraju članovima Ad hoc komisije za izbor i imenovanje da u svojim institucijama riješe pitanje naknade za rad u Ad hoc komisiji za izbor i imenovanje.

Na kraju sjednice prisutni su zaključili da se naredna zajednička sjednica održi 20.12.2005. godine po završetku plenarne sjednice oba doma.

Pošto je iscrpljen dnevni red, petnaesta zajednička sjednica Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine završena je u 12,30 sati.

Sastavni dio ovog Zapisnika je transkript petnaeste zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine.

Sekretar
Administrativne komisije
Predstavničkog doma
Davorka Čaplinski

Predsjedavajuća
Komisije za finansijske i administrativne poslove
Doma naroda
Ruža Stojanović

Predsjedavajuća
Administrativne komisije
Predstavničkog doma
Senija Kapetanović